

Mál nr. 4

Tindastóll gegn Gróttu

Kæra Gróttu

Dómkröfur:

Tindastóll gerir þá kröfu að verða dæmdur 3 – 0 sigur í leiknum Gróttu – Tindastóll 3fl. 7. A er fram fór fimmtudaginn 18 ágúst kl:18:00. En sá leikur endaði með 2 – 1 sigri Gróttu.

Málavextir:

Málsvextir eru þeir að í ofangreindum leik byrjaði Gróttu með inná 4 drengi úr A liði sínu í 11 mannaboltanum er byrjuðu síðasta leik Breiðablik 2 – Gróttu. og einnig voru á bekknum 3 drengir úr þessu sama 11 manna liði og komu þeir einnig við sögu í leiknum. Þjálfari Gróttu viðurkenndi við Þjálfara Tindastóls í byrjun leiks að vera með mjög sterkt lið á móti Tindastóli því að hann væri með nokkra drengi úr 11 mannaliðinu, Þess má geta að í fyrri leiknum sigraði Tindastóll 9-1 og í seinnileiknum eru eingöngu 3 leikmenn er spiluðu fyrri leikinn.

Tilvísun:

Við bendum á grein 26.3.3. í reglugerð um knattspyrnumót þar er skírt tekið fram að þeir sem spiluðu með 11 manna liðinu séu ekki löglegir með 7 mannaliðinu.. Þar sem Gróttu notaði nokkra leikmenn er byrjuðu síðasta leik í 11 manna liðinu teljum við að þeir hafi verið með ólöglega skipað lið og í því sambandi bendum við á grein 40.1 sem segir að lið sem mætir með ólöglega skipað lið skuli tapa leiknum 3 – 0.

Röksemdir:

Þar sem Gróttu mætir til leiks á móti Tindastóli með meirihlutann af 11 mannaliði sínu teljum við þá vera með ólöglega skipað lið og koma með þessu háttalagi í veg fyrir að Tindastóll komist í úrslit í 3 fl. 7. A. Einnig tilkynnir þjálfari Gróttu að hann sé með drengi úr 11 mannaliðinu.

Sönnunargögn:

Þar sem ekki er skilað inn leikskýrslu fyrir leik í 7 manna bolta liggja þær ekki fyrir þannig að sönnunargögnin er þau bara úrslit úr þessum 2 leiknum sem við kepptum við Gróttu og ummæli þjálfara Gróttu við þjálfara Tindastóls.einnig eru leikmenn Tindastóls til vitnis um þetta.

Vitni:

Nafn: Haukur Skúlason

Kennitala: 060281-5999

Heimilisfang: Hólatúni 7.
550. Sauðárkróki.

F. h. Knattspyrnudeildar Tindastóls
Skúli V Jónsson.

Greinargerð Gróttu

Í leik sem fram fór 15.ágúst spilaði Gróttu með ólöglega leikmenn á móti Tindastóli í 7.manna bolta í 3.flokki karla en 4 af þeim 9 leikmönnum sem spiluðu þann leik höfðu spilað í síðasta A-liðsleik. Því miður vantaði hjá mér marga leikmenn og var ekki hægt að bregðast við þessu á annan hátt.

f.h. knattspyrnudeildar Gróttu
Úlfur Blandon

Úrskurður Aga- og úrskurðarnefndar KSÍ

Ár 2013, miðvikudaginn 21. ágúst er fundur haldinn í Aga- og úrskurðarnefnd KSÍ á skrifstofu Knattspyrnusambands Íslands í Laugardal, Reykjavík, af nefndarmönnum Halldóri Frímannssyni, Gunnari Guðmundssyni og Sigurði I. Halldórssyni

Fyrir er tekið málið nr. 4 / 2013

Knattspyrnudeild Tindastóls

gegn

Gróttu, knattspyrnudeild

Gögn málsins merkt nr. 1-2 liggja frammi. Er nú í nefndinni kveðinn upp svofelldur

ÚRSKURÐUR:

I.

Kærandi: Knattspyrnudeild Tindastóls
Kennitala: 690390-1249
Víðigrund 5, 550 Sauðárkrókur

Kærði: Gróttu, knattspyrnudeild
Kennitala: 700371-0779
Suðurströnd, 170 Seltjarnarnes

Mál þetta er mótttekið á skrifstofu KSÍ innan kærufrests þann 19. ágúst 2013 með símbréfi.

Kært er vegna leiks liðanna í Íslandsmóti - 3. flokki karla 7 A riðli sem fram fór fimmtudaginn 15. ágúst 2013, kl. 18.00 á Gróttuvelli og voru úrslit leiksins 2-1.

Dómari gaf hinu kærða félagi, Gróttu, kost á að gera athugasemdir við kæruna. Svar barst með tölvupósti þann 20. ágúst 2013. Þar kemur fram að hið kærða félag kveðst hafa spilað með ólöglega leikmenn á móti Tindastóli.

Kröfur:

Kærandi gerir þá kröfu að verða dæmdur 0-3 sigur í leiknum Gróttu – Tindastóll.

II.**Málavextir:**

Í kæru er þeim lýst þannig að í ofangreindum leik hafi Gróttu byrjað með 4 drengi inná úr A liði sínu í 11 manna boltanum sem byrjuðu síðasta leik Breiðablik 2 – Gróttu. Einnig voru á bekknum 3 drengir úr þessu sama 11 manna liði Gróttu sem komu einnig við sögu í leiknum.

Fram kemur í kæru að þjálfari Gróttu viðurkenndi við þjálfara Tindastóls í byrjun leiks að vera með mjög sterkt lið á móti Tindastóli því að hann væri með nokkra drengi úr 11 manna liðinu.

Vísan í lög og reglugerðir

Kærandi vísar til reglugerðar KSÍ um knattspyrnumót 26.3.3.: „*Leikmaður er aðeins hlutgengur með einu liði gegn sama félagi. Hlutgengir til leiks í hvert sinn eru allir leikmenn hvers félags nema þeir sem hófu næsta leik á undan með 11 manna liði félagsins í Íslandsmóti eða bikarkeppni.*“

Varðandi viðurlög vísar kærandi til 40.1 í reglugerð KSÍ um knattspyrnumót: „*Lið, sem mætir ólöglega skipað til leiks og félag sem notar leikmann í leikbanni, telst hafa tapað leiknum með markatölunni 0-3 nema tap hafi verið stærra, þá skal sú markatala ráða. Félag sem notar þjálfara eða forystumann sem er í leikbanni skal sæta sektum og viðkomandi frekara leikbanni í samræmi við ákvörðun aga- og úrskurðarnefndar. Lið, sem mætir ólöglega skipað til leiks, skal sæta sekt að upphæð allt að kr. 30.000....“*

Lýsing á helstu röksemdum:

Kærandi lýsir því að með því að nota leikmenn sem hófu næsta leik á undan með 11 manna liði Gróttu hafi félagið verið með ólöglega skipað lið.

Gögn málsins:

Þar sem ekki er skilað inn leikskýrslu fyrir leik í 7 manna boltanum liggja þær ekki fyrir. Í kæru er vísað til úrslita leikja við Gróttu og ummæla við þjálfara Gróttu. Einnig að leikmenn Tindastóls séu til vitnis.

Í málinu liggur fyrir tölvupóstur frá Úlfari Blandon, þjálfara Gróttu, þar sem viðurkennt er að lið Gróttu hafi verið ólöglega skipað í leik liðanna.

Vitni kæranda:

Haukur Skúlason, kennitala: 060281-5999.

III**Niðurstaða:**

Hið kærða félag svaraði eins og áður hefur fram komið með tölvupósti þann 20. ágúst 2013. Þar kemur fram að hið kærða félag viðurkennir að hafa spilað með ólöglega leikmenn.

Ber því að taka allar kröfur kæranda til greina, enda er hér um að ræða brot á grein 26.3.3 í reglugerð KSÍ um knattspyrnumót. Með vísan til 40.1 í reglugerð KSÍ um knattspyrnumót er úrslitum framangreinds leiks sem fram fór þann 15. ágúst 2013 breytt þannig að kæranda, Tindastóli verði dæmdur 0-3 sigur vegna ólöglegra leikmanna Gróttu í leiknum.

Ekki verður hjá því komist með vísan til 40.1 að sekta hið kærða félag um kr. 5.000.- vegna framangreinds brots.

Úrskurðarorð:

Leikur Gróttu gegn Tindastóli í 3. flokki karla 7 A riðli sem fram fór fimmtudaginn 15. ágúst 2013, kl. 18.00 á Gróttuvelli skal dæmdur tapaður fyrir Gróttu með markatölunni 0-3.

Gróttu, knattspyrnudeild ber að greiða kr 5.000.- í sekt til KSÍ.

Halldór Frímansson (sign)

Gunnar Guðmundsson (sign)

Sigurður I Halldórsson (sign)